

Korona – warbixin waalidka ku socoto kuna saabsan maalin-dugsiyedka

Si loo xaddido kala qaadista cudurrada ayaan halwgallo badan ka billownay dugsiga. Nalalka samaanfalaha ee kala ah heerarka cagaarka, jaallaha iyo guduudku waxay na tusayaan hawlgallada looga hor tagayo in cudur la kala qaado ee heerarkas kala duwan ka jira dugsiyada. Xaaladda kala qaadista cudurrada ee Norway ayay ku xiran tahay hadba heerka uu dugsigu raacayo.

Waa ammaan in ay carruurtu dugsiyada aadaan

Weli waan ka taxaddari doonaa in ay ardaydu helaan bey'ad dugsi oo fiican islamarkaana ammaan ah. Dhammaan dadka dugsiga ka shaqeeya ayaa la socon doona in ay xaaladda ardaydu tahay mid wanaagsan. Muddada soo socotana waxaan si gaar ah uga taxaddari doonaa in aan si fiican u hubinno ka hor tagga cudurrada. Waaan si gaar ah ula soconaynaa:

- In aan qofna dugsiga ama SFO imaannin haddii uu jirran yahay.
- In aad gacmaha iska dhaqdaan ka hor inta aydناan dugsiga imaannin.
- Gacmaha oo si fiican laysaga dhaqo iyo nadaafaddu waa muhiim marka dugsiga la joogo.

Sidee ayuu noqon doonaa maalin-dugsiyedku?

Heerka cagaarka ah: Maalin-dugsiyedku waxay noqon doontaa sidii caadiga ahayd, laakiin ardayda iyo macallimiintu waa in aysan gacanta iska salaamin habna aysan isa siinnin.

Heerka jaallaha ah: Fasallada oo dhan ayaa isu imaan kara, ardayda oo dhan na waxbarasho buuxda ayaa dugsiga lagu siinayaa ayada oo maalmaha dugsigu yihiin kuwo caadi ah. Waxaa dhici karta in barxadda dugsiga la kala qaybiyo si fasallada loo kala duwo. Ardayda iyo macallimiintu waa in aysan gacanta iska salaamin habna aysan isa siinnin, dad badanna aysan hal meel isugu soo ururin.

Heerka guduudan: Ardayda waxaa loo kala qaybin doonaa kooxo yar-yar. Waxaa laga yaabaa in aan xaddidno tirada ardayda ee dugsiga imaan karta. Waxaa sidoo kale dhici karta in aan ardayda ka codsanno in ay dugsiga yimaadaan wakhtiyoo kala duwan. Waa in aan masaafo fiican isu jirsannaa, ardayduna in badan ayay bannaanka joogi doonaan, taas oo dhici doonta xataa xisadaha caadiga ah.

Geynta dugsiga

Heerka jaallaha ah: Ardayda u baahan in dugsiga la geeyo, waxay dugsiga ku tegi karaan oo uga soo laaban karaan bas ama gaadiid kale. Ardaydu waa in ay masaafo fiican u jirsadaan dadka kale. Laakiin shardi ma aha in ay ardaydu hal mitir u jirsadaan ardayda kale, in kasta oo sidaas laga rabo dadka kale ee gaadiidka saaran.

Heerka guduudan: Haddii ay ardaydu raacaan baska dugsiga ama gaadiid kale, waa in ay xasuustaan in ay dadka u jirsadaan masaafo fiican – hadday ahaan lahayd inta ay baska sugayaan iyo marka ay galaan labadaba. Ardaydu waa in ay eegaan haddii ay suurtaggal tahay in ay gaadiid kale dugsiga u qaataan.

Waajibka waxbarashada ee ardayda oo dhan

Ardayda oo dhan waxbarasho ayay xaq u leeyihiin, dugsiguna wuxuu ardayda oo dhan u hubinayaan waxbarasho wanaagsan ayada oo aan taasi ku xirnayn in heerka kala qaadista cudurrada uu yahay cagaar, jaalle ama guduud.

Haddii aad wax su'aal ah qabto – dugsiga la soo xiriir ☺